

\* \* \* \* \*

**D I S P U T A T I O P O L I T I C A**  
**D E**  
**L E G A T I S**

*Quæ*

**D E O A L T I S S I M O A U S P I C E**

In Regia & celebri Academia CHRISTINÆ, cum  
 suffragio & consensu Venerandæ facultatis Philoso-  
 phicæ publicè in auditorio majori Eruditorum  
 censuræ submittitur,

**P R A E S I D E**

**M. JOHANNE MATTHÆI**  
**KETARMANNO,**

**R E S P O N D E N T E**

**G U S T A V O A. Æ I M A L E O,**

Ad diem 30. Maij, Anni 1649.

*Proverb. 25. v. 13.*

Sicut frigus nivis in die messis, Ita Legatus fidelis ei, qui misit  
 cum, animam ipsius requiescere facit.

**A B O X,**

---

*In primisbat Petrus Wald/ Acad. Typogr. Anno 1649.*

ILLUSTRISSIMO ET EXCELSO  
HEROI.

DN. PETRO Brahe/  
Comiti in Visungborg/ Lib. Baro-  
ni in Ridbeholm & Lindholmen/&c. S.R.M.tis Regno-  
gumq; Svecia & Gothia Senatori & Drotzeto magno, Regij  
Justitiæ collegij Holmensis Praesidi, Academij Abboentis Can-  
cellario magnificentissimo, Westmannia, Montanorum &  
Dale-karlorum Judici provinciali gravissimo, Magni Duo-  
catus Fennigiae Gubernatori Generali, Domino  
& Meccenati suo gratiofissimo,  
Salutem & in omnibus rebus prosperrimum:

successum;

Praelustri T.a Excellentie, ut presentem discursum litterarem permulta  
eag. haud obseurasse moverunt. Ut enim alia nunc taceam, certe  
vel econamine id T.a Excell. me debere fateor, quod Tua Exc. cum ob ex-  
quisitam eruditionem, tum prudenter longo rerum usu & experientia  
acquisitam a S. R. M.a, ut ante annos 14. ad inducias inter Svecia &  
Polonia Regna, ita nunc ad eternam pacem inter eadem conciliand m  
Legatus sis constitutus. Accedit T.a Excell: clementia & favor, qui ge-  
nitorem meum, ut primum Fennica oras feliciter appulit, clemen-  
tissime prosequi capit, & abhuc indies prosequitur; Unde etiam spes me-  
habet, T.m Exc: tanto benigniori vultu dedicationem hanc accepturam,  
dussum regit Illustriss: Dno. COMES, Mecenas desideratissime virtus  
forenieri, nutrifaventiori, exiguum hoc devotionis meæ argumentum,  
meritorumque subjectione & observantia tibi obligatos, solito clementie favo-  
racci perge.

Illustriss T.a Excell.  
Desistissimus  
GUSTAVUS A. EIMÆLEU.

## Præfatio.

**L**egationis munus, ut origine vetustissimum: ita utilitate commendatissimum. Ut enim homines diffundi, certisq; domicilijs & imperijs distinguvi cuperunt, legationes extitisse consentaneum est. Quippe inter Republicas & Reges necessè fuit officia, foedera & contractus intercedere: Ista verò personæ vel convenire non potuerunt, vel sape etiam noluerunt; Neq; alias omnia secreta literis tutè committuntur. Necessarium proinde fuit legatos constitutere, qui controversias componerent, denunciations, consilia; & quicquid est, quod ratio amat usurpare, ne res perveniat ad manus aliorum, conficerent. Multa quidem, inquit Brunus lib. II. c. 2. Inter obsen-  
tes commode per literas explicantur, Sed rursus quædam, quò secretiora sunt, magisq; celanda, hæc literis commissa, & facilius & majore cum periculo in multorum eorum manus, quos minime volumus, incidere possunt. Legatorum autem Sapientia & diligentia his, & alijs ingentibus periculis principes subducuntur; horum ministerio in rem longinquam, ut præsentem perducuntur; horum ore cogitatè loquuntur; horum ope-

fædera panguntur, alięq; res graviores cum exteris  
commode tractantur. Hinc quod homini est loquela,  
oculi, & aures, hoc sunt imperijs legati. Quò intui-  
tu etiam à Poëta his epithetis insigniuntur & donan-  
tur:

... Vox Regum, lingua salutis,

Fœderis orator, pacis via, terminus iræ:

Semen amicitiae, belli fuga, litibus hostis.

Hæc materia adeò illustris & utilis visa est multis, ut  
nulla ferè de alia materia Politici tot reperiantur, qui  
scripserint: Hanc proinde & nos hāc vice, bono cum  
Deo, considerare constituimus; Non quidem certò  
nobis persuadentes in ea omnes difficultates nos emi-  
teri posse; sed ut saltem ingenium nostrum in materia  
hāc Politico-Juridica nobilissima exerceamus. O-  
mnes enim artes, omniaq; opera quotidiano usu & iugi  
exercitatione proficiunt; vitaq; humana, teste Gellio  
lib. II. propriè uti ferrum est; ferrum si exerceas con-  
teritur, si non, tñ. rubigo interficit: item homines  
exercendo conseri, si nihil exerceas, inertia atq; torpe-  
do plus detrimenti affert, quam exercitatio. Sit itaq;

## THE S I S I.

**L**egati alij à legendo id est eligendo, quod ad hoc  
officium non nisi optimi quid; & virtutibus omni-  
bus instruētissimi, magnō judicio feligendi sint, ut  
personam, quam sustinent, virtute suā digniorem effi-  
cant. Alijs à legando, hoc est, mittendo; quod publi-

cē legantur seu alegantur, derivantur.: Hos imitantur Germani, non minus ac Sveci, qui eos *Gesandter* & *Sens* debud vocant.

**II.** Vocantur quidem varijs nominibus ab Historiis, alijsq; ; Oratores nempe ab oratione, quæ est acer-  
tum legationis telum; interpretes & nuncij: sed vocu-  
lis quarum significaciones sunt laxiores. Vulgo *amba-  
ssatores* seu *ambassiatores* vocant, à Gallico *Ambassideur*: qd  
non nulli à veteri voce celtica *Ambaschie*, quæ Kirch-  
nero ex mutilatione Græci verbi *ἀμβαστεῖν*, quod est  
mittere seu potius ire, profluxisse videtur.: Quidam à  
Germanico sive Gothicō *Ampf* & *Ambete* deducunt.  
Legati nomen aliquando latius accipitur, & quemvis  
de re quicunq; missum significat; aliquando precius  
& magis propriè, ut hoc loco, & eum, qui à summa pos-  
testate prædicto mittitur, denotat.

**III.** Legatus est persona publi-  
ca sacratiori nomine ad prin-  
cipem, Rempublicam, vel ex-  
ercitus dicendæ rei agendæq;  
gratiâ missa. Hujus itaq; strictim vide-  
bimus. 1. Divisiones. 2. Qui legatos mittere pos-  
unt, & quales mittendi. 3. Quæ eorum requisita.  
4. Quæ privilegia, præmis & jura. Et 5. demum,  
quomodo legatio finiatur.

**IV.** Primum quod attinet, legati & legationes va-  
gè dividi solent: *Primo ratione objecti*, seu rerum qua-

*quoniam causa legationes sunt: Alia Togata, alia bellica est.*  
Illa negotiis & officiis causa tempore pacis instituitur.  
*Ergo vel Pronuba, quam matrimonium pro absente principi contrahitur.* Vel quam negotia alia ad sumam Reipub. pertinentia expedientur, ut sunt facta & foedera.

*V. Vel officiosa quae officij & honoris gratia suscipitur;* ut potè ad congratulandum de successionibus & electionibus in principatu; Ejusmodi honoraria sunt Hierami Regis Tyri ad Salomonem Regem jam unctum super Israël, 1. Reg. 5. v. 1. Et hodiè etiamnum talis legatio in testimonium mutuae amicitiae usitata est ad novos principes, eos salutando, gratulando de novo principatu suscepito. *De nuptijs, de puerperijs, de recuperata valetudine, de victorijs:* Sic Thou Rex Emarth, cum audisset Davidem percussisse omne robur Adar-ezer, misit Joram filium suum ad Regem David, ut salutaret congratulans, & gratias ageret; eò quod expugnasset Adar-ezer, & percussisset eum. *Vel ad condolendum;* ita magnus princeps Moscoviae ad Serenissimam & potentissimam principem ac dominam, Dn. Christinam, Regnorum Svecie, Gothie, Vandalie &c. Reginam electam & principem hereditariam legatos misit An. 1633. Qui Sereniss. ipsius Majestatem super obitu patris sui longè desideratissimi, Regis Gustavi II. & Magni, consolarentur. Quò humanitatis officio David apud hanos nem ammonitarum Regem fungi voluit. *Hic notantur Politici quod legati gratulationis vel consolationis causa citòmittendi sint.* Sicq; Tiberius, Iliensium legatos, paulò seriūs consolantes, quasi oblitterata jam doloris memoriam irridens; Se quoq; respondit, vicem eorum dolore, quod egregium civem auctorem amisissent.

sent. *Vel ad gratias, pro auxiliis sive suppeditijs in bello  
contra hostem latis, agendum.*

*VI.* *Bellica est, qua martis opus conficitur.* Cum autem res bellicæ etiam variæ sint, hinc & variæ legationes fiunt: *Quedam enim ad indicendum bellum instituuntur, quæ solim Fœciales seu caduceatores peregerunt.* Dicebantur autem caduceatores à caduceo, quod erat Mercurij baculus, habens ab utraq; parte insculptos das serpentes invicem implicatos & se mutuo respicientes, teste Suidâ & Plinio lib. 29. hist. nat. *Hoc ut potest* pacis signo, eò penetrabant caduceatores, quò legatis aut illicitum fuit, aut intutum. *Norum interventus* inquit Besold. c. 2. de legatt. tit. 9. *bella indicendi mos erat,* qui mos totus manavit ab illa prisca fide, quæ nemini bellum inferri, patiebatur, nisi id prius prædictum, aut indicatum esset. Eorum item ministerio pacta solebantur duorum, pluriumve imperiorum, adhibitō sacrificiali apparatu, certisq; alijs ritibus peragebantur. Iste etiam quoties quopiam mittenda esset legatio, permiscebantur, ad impetrandam legatis securitatem. Illorum item munus versabatur circa pompas, ad hosq; pertinebat cura ordinandæ publicæ & solennis aliquius pompa. Item ope ipsa dicta, terriloquia sèpè pronuntiata, & minæ tumidè intentata fuerunt. Hodie utimur eorum loco Tubicinibus, Trominetare aut etiam Tympanistis Paukeflagore & Trommestagore; itidem communiter inviolabiles esse solent: *Hec Besoldus.* In Fœcialium seu caduceatorum locum succederunt Heraldi Herelder, quod teniores & graviores in exercitu ad id missi sunt.

*VII.* *Quædam ad inducias petendum, auxilium postulandum, aliorum societatem ambicendam, vel ab hominibus*

ribus avertendum. Quædam ad pacem eomponendam, ejusq; conditiones exequendas: Tali legatione nuper, ut alias nunc non attingam, ad omnium vota laudatissimè & felicissimè perfundus est, *Illusterrimus Comes, Dn. Iohannes Oxenstierna / S. R. M. tis Regniq. Sveciae consiliarius & Senator &c.* Cum alijs Generos: Dn., sibi adjunctis, perpetuā pacem inter S. R. M. m Regnumq. Sveciae, & imperatorem, imperiumq. Romanum, conciliando: Cui Angelus fœderis, Salvator JEsus Christus unà cum Patre & Spiritu sancto, ad sui divini nominis gloriam Reipublicæ Svecianæ emolumentum & decus clementer ex alto benedicere dignetur.

VIII. Deinde, respectu mandatorum *legatio est vellibera, vel formularis*: Illa est, cum legati nullâ certâ præscripta formulâ liberam agendi potestatem habent quicquid ex usu mittentis fuerit. Hec potissimum in rebus obscuris intricatis & ancipitibus, quarum certus modus dari nequit, fieri solet. *Athenienses olim absolutam libertatem agendi legatis hæc formulâ concedebant*: Legati præterea quicquid boni possunt agunto. Formularis est, quando legati certas formulas & instructiones, ut vocant, accipiunt quarum ad præscriptum gerenda sunt omnia, & extra eas egredi non licet.

IX. Legatio præterea alia *Ordinaria seu perpetua, residentium & agentium est; Alia Temporaria & extraordinaria.* Illa est, cum legati non ad definitum, certumq; negotium, sed ad tempus sive certum sive incertum ita mittuntur; ut dum in legatione degunt, omnia tractent, faciantq; quæ è re mittentis fuerint. Hi diligenter singula mittenti scitu necessaria observare, ac faciliter illi referre; Ut & commodum ejus promovere, &

re, & contra, ne præjudicium aliquod illi fiat, provi-  
dere; falsas item delationes suorum diluere; Et si  
qua quædam à mittente injunguntur, exequi tenentur.  
*Hac s. temporaria est*, cum in certam aliquam occasio-  
nem legantur, redire jussi, simul atq; quod habent in-  
mandatis, confecerunt. Tales fuerunt olim ferè o-  
mnes; nam videtur perpetuorum usus incognitus pris-  
cis seculis fuisse. *Hotom, lib. 1. num. 2.*

X. Legandi autem facultas illis solum competit, qui potes-  
tatem summam Reipub. obtinent. Et inde juribus Maje-  
statis accensetur, cum exteris per legatos agere, eosq;  
recipere; Et quidem illis, quæ alias majora Regalia  
dici conservaverunt, quod summam Regis & imperij e-  
minentiam ostendant. Eos verò qui superiorem a-  
gnoscunt dominum legatos mittere nec posse, nec des-  
bere, rationes evincunt haud infirmæ. *Legatorum e-*  
*nim est tractare negotia publica;* At horum cura ma-  
gistratui, non subditis incumbit. Deinde si subditis  
inconsulto Principe suo legationes ad exteris princi-  
pes & Respub. mittere liceret multa inde emergerent  
incommoda. Quippè Magistratus primum in con-  
temptum & suspicionem ignaviæ vocaretur; Resq; hæc  
collusionum, conspiracyum & rebellionum occasio  
commodissima & omnis deniq; petulantiae nutricula  
esset futura. *Suos tamen emissarios & deputatos sine sub-*  
*delegatos subditos ad suum Magistratum, ut & civitates*  
*liberas ac status inferiores ad Principes & Respublicas*  
*exteris mittere varia demonstrant exempla & experis-*  
*entia confirmat.* Sie Anno 1645. Civitates *Bremensis,*  
*Lubecensis & Rostochiensis*, suos subdelegatos ad Clemen-  
tissimam & Serenissimam Reg. Majestatem Sveciæ  
submisso miserunt. Quorum nūnus si species, rorū &

**I**legatos dici, si nomen & dignitatem legationis, ministrum. Hinc Politici Germanorum, *notante Besoldo de leg.* e.g. cum intelligerent differentiam esse inter legatos & ablegatos, sive selectos & deputatos: Legatos propriè appellant die *Gesandten* ablegatos & selectos die *Abgesandte*. Et refert Kirchnerus lib. i. c. 1. num. 20. Ab imperij metatoribus, Bon dein Reichs Fyrieren in comitijs id observari, in designationibus hospitiorum, ut foribus legatorum Regis Hispaniarum inscribatur titulus: Königlicher würde aus Spanien Gesandte. Ad Iijs verò imperij principibus: Thurnfurstliche Furstliche &c. Abgesandte.

**XI.** Qualitates legatorum quod concernit, eligendi sunt non viles & plebei sed honesto loco nati, varijsq; dotibus eminentes, cum primis pietate, prudentia, fidelitate, ingenio præstantia, judicij acrisione, doctrina, eloquentia, historiarum cognitione. Quibus nec desit rerum experientia, variarum lingvarum cognitio, fortitudo, temperantia & reliquæ virtutes Ethicae.

**XII.** Primo religiosos & pios legatos esse decet. Pietas enim docet Primo, non fidere proprijs viribus, sed omnem spem & fiduciam in uno DEO defigere: Deinde preces ad eundem fundere, ut legatio feliciter succedat, & exoptatum atq; felicem eventum sortiatur. Praeterea etiam omnes insidias, fraudes & fallacias excludere. Probus enim nemo est, nisi simul sit verus. Recte Paphalius c. 54. legatum vult nisi veritate certissimâ virtutum, ejusq; fido comite parciloquiō.

**XIII.** Deinde, ut in ipso pietas, quæ virtus moralis est, ita vel maximè Prudentia requiritur. Hæc enim lumen & oculus est, quo si careat, non secus ac Horneſtius ille Cyclops, undiquaq; in tenebras & erroris caliginem

ginem irruet. *Salomon Proverb. 26. v. 7.* claudum pe-  
dibus facit, qui mittit verba pernuncium imprudentem  
& stultum. Ut ingentia pondera, quæ nullis homi-  
num viribus elevari possunt, machinis facile tolluntur;  
Ità quod alio modo nequeas, ingenio & prudentiâ faci-  
lè effeceris'. *Hermannus Kirchnerus lib. 1. de legatis c. 4.*  
*v. 126.* Oculos suos habeat illustris legatio, ac si fieri  
possit, Janus mihi biceps sit legatus, qui non solum an-  
te, sed & retrò videat, ne forte, ut cum Satyrico loquar,  
*Cicerio à tergo p̄insat.* Prudens igitur sit legatus, ut ido-  
neam agnoscat opportunitatem rerum agendarum, &  
rationem habeat temporum, ac naturæ principiis ad  
quem missus'; ut longè in posterum futura prospiciat,  
ut deniq; hominum mentes perspicere, & ad intimos  
etiam sensus facile penetrare sciat.

**XIV.** Præterea fidelitas vel maximè ad legatos per-  
tinet; Finis enim ejus est benè, fideliter & ex animo a-  
gere, quæ Republicæ, suoq; principi maximè prodeſſe  
novit; Erga quem lun ma legato fidelitas nunquam  
desit. Princeps sane in legati fidem se totum commi-  
sit. Hinc legatus fidelis dicitur sanitas à Salomone,  
*Proverbiorum 13. v. 17.* Et c. 25. v. 13. Sicut frigus ni-  
vis in die mæſſis, ità legatus fidelis ei, qui misit eum,  
animam ipsius requiescere facit. *David Psalm. 101.*  
*v. 6.* Oculi mei ad fideles terræ, ut sedeant mecum.

**XV.** Legatus quoq; expedito sit ingenio & judicio  
acri, ut citò & acutè inueniat; Eleganter proponat as-  
ſpondere, agatq; solerti judicio antea cognita, & non  
cogitata. Sunt enim actiones plerumq; tales, quæ  
tempus ad consultandum non præbent, ut scribit Du-  
rus de Pascolo in aulico suo *Politico aphorism.* 47. citante Rein-  
hardo Rönicke Polit. p. 2. c. 38. n. 12. Ubi igitur res moram

non fert, ibi in arena consilium est capiendum. De adhibenda tali celeritate in negotijs, videatur *Octavus Magius lib. 1.c.2.* Verum ubi tempus datur, nimium prosperandum non erit. Nam omnia, ut Fabius dixit apud Livium lib. 22. non properanti clara, certaque sunt. Ut ergo nimia celeritas, quæ legationis cursum, bonaque; mentis navim evertere solet, cavenda; Ita nimia tarditas & simplicitas, fugienda.

**XVI.** Nil magis commendat *Legatum*, eique; apud eum, ad quem mislus, majorem conciliat admiracionem, quam exquisita doctrina; quæ continet notitiam Philosophiae, Jurisprudentiae, historiarum & lingvarum exoticarum. *Octavus Magius lib. 2.c.1.* Omnibus Philosophiæ tam Theoreticæ quam Practicæ partibus instructum, vult legatum perfectum. Sed verius sentit & scribit *Kirchnerus*, Scolasticas disciplinas in legato non esse rei ciendas, nec admodum etiam desiderandas: Politicas potius ei necessarias; Quæ animum prævis affectionibus exunt, virtuti aditum patefaciunt, & ad veram cultores suos ducunt beatitudinem. Homines civiles utiles & sibi, & alijs efficiunt. Dignæ proinde eruditis, dignæ claris viris, quos omnes & singulos aureo Palladis freno in gyrum reæ rationis ducunt, & ad morum honestatem condocefaciunt.

**XVII.** *Cognitio juris*, præcipue publici, Legato apprimè necessaria. Quippe legationum potissimæ causæ in publici juris capitibus consistunt, de Regnorum & dominationum jure, de foederibus, de jure belli; Et similibus, quorum causa legationes frequentantur. Qualis ergo fysor in consilijs, tot rerum, quibus præcipue Respublica continetur, esse poterit, si juris publici igna-

ignarus fuerit? Recetè igitur hujus scientiam tam necesse fariam esse legato, quam solem mundo, non nemo dixerat.

XVII. *Historiarum* itidem *cognitio*, multum condecorabit legatum. Est enim historia lux actionum, consiliorum inventrix, comes itinerum, & pronuba instituti salutaris; Quam quo magis variam quis legerit, & legendō rebus ac temporibus adaptaverit, eò & plures legationes obijste videtur. *Warnev. de leg.* fol. 248.

XIX. *Lingvarum exoticarum notitia*, in primis illius gentis & principis apud quem legatione functurus est, non solum plurimum utilitatis sed & multum decoris addet legato; cum ipsimet non adhibitis interpretibus sua secreta possit comunicare. *Eloquentiam* etiam in legato orabundo requiri, tam est in proclivi, quam pluvia cum est imber. Legatus sane comitate & affabilitate animum principis, ad quem missus est, facile sibi suocq; domino conciliare, autoritatemq; & benevolentiam apud exterios consequi potest. Quare etiam meritò *Eloquentia* à gravissimis authoribus omnium rerum *Regina* vocatur.

XX. Fortem se præstet *legatus*, pectusq; gerat adversus omnem vim, omnemq; eventum imperterritum. Multa enim secūs eveniunt, quam cogitata sunt. Induenda ergo animi magnitudo, quæ sola quemlibet rei eventum improviuum & imperterritum, veluti sol nubes disspellit, animumq; vegetiorem & alaciorem reddit. Nemo ex his timiditate impediri se patiatur, quò minus progrediatur celerius, *inquit Schonborn. Pol. I.* 3. c. 28, versatur enim in re laudabili: in quā si meticulosus sit, canis muti nomen non effugiet. Docet quip-

p̄c negare, qui timidè rogat. *Senee. in Hipp.* Et dum sa-  
tiūs esse docet *Variscu. de leg.* ut declinetur naturè quo-  
rum illos aliquando pœniteret.

**XXI.** Temperantia jubare resplendeat, quæ rebus de-  
corum imponit modum moderando & cohibendo vog-  
luptates corporis'; Et est quasi mater cæterarum omni-  
um virtutum. Quid enim si in *Philippum* aliquem aut  
*Bonosum* incidat legatus, quorum uterq; ad ebrietatem  
legatos pellicere consueverat, ut nosceret arcam pe-  
ctoris eorum.: *Vide Vopiscum in Bonoso.* Et vinum ex-  
quisitissimum; Fœminas item lene tormentum esse,  
notat & illustrat *Picardus de jud. 7. c. 2. & 3. citante Besold.*  
c. 7. & n. 9. de legat. Legatus itaq; convivia vitare  
debet; nam solitus vino, facilius labi, arcana effutire,  
& autoritatem amittere potest. Propter libidinem  
autem legati non solum infamiam, levitatisq; luspicio-  
nem incurront; Sed & in maxima s̄ep̄ corporis, for-  
tunarum & vitæ pericula præcipitantur.: Cujus rei ex-  
empla passim extant.

**XXII.** Mansuetudine etiam sive ire moderatione opus  
habet legatus, cum nihil sit quod bonis consilijs magis  
officiat, nihil quod plus temeritatis & præcipitanție se-  
cum afferat. *Magnanimus* sit, ut autoritatem suam &  
Principis tueatur.. Dorophagiam autem, avaritiam,  
& privatorum commodorum præpostoram cupiditas  
tem, tanquam vada & bona mentis scopulos operose  
vitetur.

**XXIII.** Ex enumeratis jam animi dotibus, quibus  
opus legato, facile colligere licet, nec adolescentulos,  
nec senes decrepitos commode & cum salute Reipub.  
hoc manus obire posse; Sed viros a tatis provectionis,  
qui

qui usu multa didicerunt, suas cupiditates in gyrum te.  
Et rationis ducere queunt, authoritateq; pollut; Ad  
hanc conciliādām ~~augustioris~~ forme deus spectandum, &  
firmior valetudo optando, quō labores & molestias exant  
bare valeant. Interim verò consultum videri scribunt  
*Polinici*, si non nunquam cum senioribus bonae speci juves  
nes emittantur, quorum operā deinde progressu tempora  
ris in gerendis magistratibus & obeundis legationibus  
Respub. uti potest. Reperiri enim possunt juvenes  
qui prudentia & alijs virtutibus Senioribus non sunt  
inferiores. Unde non ineptum est illud *Galli ad Soli-*  
*manum*, qui etate minores ad se missos ito nascabatur,  
*responsum*: Non ex barba virum, nec ex Piloso mentem  
hominis judicandam, alioquin futurum, ut cum barba-  
tiores sint hirci, etiam meliores hominibus esse censem  
antur. *Kirchn. l. II. c. 4. deleg.*

*XXIV.* Comites itaq; qui legationi usui & ornas  
mento esse possunt, non temere assumendi; Sed prius  
explorandi sunt, an pluris apud eos sit fides, quam mer-  
ces; ne ut trutina eò propendeant, ubi plus positum  
fuerit. Quin & fidissimorum etiam ministerio, ins  
quis *Besold. c. 4. de leg. n. 12.* in rebus arduis & arcatis,  
circumspecti legati per raro utuntur, maluntq; ipsi, quo-  
ad ejus fieri potest, arcana sua intrapectus continere,  
eaq; sua manu prescribere, quam quicquam aliena fidei  
& conscientiae credere, quodq; pessimè habeat eos, si  
emanet. Nec à Comitibus legati solūm, hanc fide subni-  
xam industriam exigunt, sed à singulis familiaribus ejus.  
Hos enim necessè est, esse homines cautos & idoneos,  
spectandis, cognoscendis, referendis ijs, quæ legatum  
non nescire opus est. Ac eadem ratio est *Angariorum*,  
*Cursorum*, *Tabellariorum*. Nam si non modestia horum

œulos, silentium singyas, temperantia manus cohibeat, deniq; fides totos munit, legato plerumq; negotiū facessunt.

**XXV.** Numerum & habitum Comitum quod attinet, videtur non parum, cūm ad Majestatem & autoritatem utriusq; Principis, tum ad legatorum dignitatem & aestimationem conferre, si sint, splendidi & magnifici; Non tamen luxu nimio diffluentes, & muliebrem ad mollitem se demittentes. Ablegare verō pannis obsitos & in Diogenis dolio vivere solitos, atq; Xenocratis caseolum boni consulere adsuetos, vel egestatis signum vel contemptus argumentum est.

**XXVI.** Quibus dotibus legati instructi esse debeant hactenus vidimus; Requisita Legato jam electo & munere functuro necessaria, breviter perstringemus. Primum litera fidei quas credentiae vocant Creditissimis, quibus Legans legato fidem haberi petat, & quod ea, quæ legatus publico nomine peregerit, rata sit habiturus, promittit; Quas si non habeat, fides ei non adhibetur, et si cum mandatis occultis se venire afferat. Et sanè legati sine mandatis consuetâ securitate non fruuntur, sed se ipsos maximis periculis obiciunt. Tales 26. Maij 1559. à Principe CAROLO &c ad Regem Poloniæ Sigismundum Dño Thuroni Bielefe &c Nycopiâ communicatæ. Deinde literæ instructionis seu informationis, quas olim vocabant commonitorium; hæ rationem & modum, quomo- do legatio peragenda & quid expediendum sit, continent. Legatus enim vim omnem à mandato habet; & sine mandato ac missione legatio esse nequit. *Brun. lib. 1. c. 5. & 8.* Quod militi arma & gubernatori clavus, hoc sunt legato mandata. Mandatum est anima legationis, Paschalius c. 21. Postea viâ rectâ & publica legatus

ince-

incedat; nec aut voluptatis, aut curiositatis, aut resum  
suarum causa ab itinere deflegetur. Si tamen loca, per  
quæ trans eundem incursionibus hostium & latrocinijs  
infesta, morborum contagij infecta, alijsq; difficultati-  
bus oculusa fuerint, iter alio facere & circuitionibus uti  
prohibitum non est.

**XXVII.** *Præterea* sedulò det operam ne inter eum-  
dum, vel alias, quid flagitio è per se vel suos fiat. Si  
enim scelere aliquò se obstrinxerit, privilegijs legato-  
rum non fruetur.: Quippe jus non violandorum lega-  
torum tamdiu servandum est, quoad jus legationis, ho-  
nestatemq; servaverint, Kirch. lib. 1. de leg: c, 1, 12, II, 4.  
Hoc neglecto, negligitur & illud. Hinc dignum factis  
suis præmium legati persici in aulâ Amyntæ Regis Ma-  
cedonum experti. Adulterij condemnatum duclum,  
que ad extremam capitis pœnam in Lusitaniam legatum  
quendam scribit Warser. in orat. funeb: Steph: Regù Poloniae  
Et patrum nostrorum n emoriâ Fransisci I. Regù Gallorum,  
legatus homicidij pœnam luit, Mediolani capite plexus.  
Kirch: lib. 2. de leg: c, 1, II, II, 5.

**XXVIII.** *Porro fines mandati non egredetur:*  
Nam cum Princeps certam formam legationis præscri-  
pserit, certè omnem hujusmodi licentiam legato ade-  
mit. Alb. Gent: l. 3. de legat: c, 16. Quod si ergò præter  
mandatum inciderit, illicò si tempus ferat, certiorem  
reddet Principem, ejusq; mandatum expectet. Si ve-  
rò tempus non suppetat, refq; sit parvi momenti, eò casu  
mandato adhærebit: In re autem magni momenti id  
consilij quod in manifestam Principis utilitatem vergit  
capiat, ejusq; causas statim ad ipsum Principem defe-  
sat. Liberior etiam agendi facultas concessa est les-  
gatis, si mandato vel instrutioni generalis ista clausula

inserita fuerit; Reliqua committimus tua prudentia & discretioni. Tum enim legati ex novâ causa, quæ mittens tem latebat, pro re nata, limites mandati pro utilitate & in rem domini excedere possunt.

**XXIX.** Cæterum ut abstineat ab omnibus alijs negotijs, quibus impediri officium legationis possit; licebit tamen & propria sua curare, si non impedimento sunt legationi, & Principis authoritati officiantur. Nemo enim prohibetur rebus suis, salvâ legatione, optime consulere. Arg. l. legatus 12. ff. de legat.

**XXX.** Deniq; legationem quam suscepereat, non deseret. Uno tamen sociorum in itinere longinquo mortuo, si res moram non patiatur; reliqui legationem pertexere possunt. Sic narrat *Psychalius* in legat. c. 31. Ex multis legatis Indicis, tres tantum Romanam perfecisse legationem, reliquis in viâ mortuis; Ex Strasbone. Si autem Princeps legationis occubuerit, & res moram patitur, satius est, subito legantis petere instructionem, & quid faciendum exquirere; Vel si legati superstites se oneri impares esse sentiant domum redire.

**XXXI.** Tandem legatione perfectâ, Legatus omni animi perturbatione semotâ, responsum quam fidelissime Domino referet: Nihil ex irâ vel invidiâ, aut si fortè minus dignè ab ijs, ad quos missus est, habitus fuerit, Ne incendiarius turbarum esse, & somitem bellis ministrare, atq; ignem igni addere velle videatur. Et cum multa sœpe, præter responsa ipsa & decreta incident in ipsâ legatione, quæ plurimum, tum ad perspiciendos eorum ad quos mittuntur, animos, tum ad cognoscendas res ipsas, quæ in legatione versantur, conducunt, ea etiam revelent. Memorabile est, inquit Besold, c. 7, de leg. 11.

*Ex Sorantz. in Proemio Othomanni*, quod Veneti legati, relationes confidere tenentur, ubi non solum narrant, quæ ad ipsam spectant legationem, sed omnem statum Reipub. & quicquid singulare in loco ubi resident, vel legatione functi sunt, viderunt.

**XXXII.** Cum Reipub. causa Legati in exteris regionibus non sine maximis versentur molestijs, & quissimum est Privilegijs sive prærogativis, ijsdem subveniri, quorum contemplatione ad suscipiendas & exstantandas itinerum difficultates promptiores & faciliores reddantur.. 1. Jure gentium inviolabiles, sanctijs, semper habiti sunt legati. *Sic Cesar. lib. 3. de bello Galliæ*: Legatorum nomen apud omnes nationes sanctum inviolatumq; fuit. Et eleganter *Cie. in Verr. 3.* Legationum jus humano divinoq; vallatum præsidio est, cuius tam sanctum & venerabile nomen esse debet, non modo ut intra sociorum jura, sed etiam inter hostium tela incolume versetur.. Unde si inter duos principes bellum subito exardescit, legati eorum apud utrumq; partam, tectam libertatem retinent, quod alijs hominibus non contingit.

**XXXIII.** Nec tantum in accessu inviolabiles sunt legati, sed etiam in discessu & reditu. Securitas enim veniendi includit etiam securitatem recedendi *L. 3. c. de navicular. l. 11.* Et nemo desinit esse legatus, antequam Principi renunciaverit, quid perfecta legatione gestum fuerit. Iniquè itaq; *Valdemarus Daniæ Rex* fecit, qui legatos Haquini Norvegia Regis Sponsam, Elizabetam Holstia Comitissam Germanam adducentes perfidè intercepserat, ut filiam suam Margaretam subfueret. Nec facile invenias, alicubi impunè violatos

*Suisse legatos<sup>o</sup>. Ammonite miserè à Davide sunt perdi-  
ti, cum suos illi legatos violassent, contumeliosèq; tra-  
ctassent. 2. Sam. 10. Seiones & Bojus delerunt Romani,  
quod M. Curtij legatum ad redimendos captivos missū,  
interfecerant, ut refert Polyb. lib. 2.*

**XXXIV.** Quæ de securitate legatorum sunt dicta,  
ea omnia ad comites etiam legatorum extendi solent,  
cujuscunq; sint status & officij, honestioris aut vilioris,  
sive Stabularij sive Rhedarij &c. Non quidem propterea  
quod huic vel illi officio aut servitio præsint, sed quod  
*in comitatu legati* sint, legationis jure potiuntur.. Interim  
comites facilius & durius ob delicta puniri pos-  
sunt, quam ipsi legati; cum discriminem tale sit inter le-  
gatum & ejus comitem, quale inter corpus & umbram.  
*Kirch. num. 234.*

**XXXV.** Deinde non modò securitate gaudebunt le-  
gati, verum & honorificè excipiendi sunt. Apud omnes  
enim nationes, in quibus aliquid humanitatis, usu rece-  
ptum fuit, ut exterorum legati, præsertim si amici es-  
sent honorifice exciperentur.. Ethâc quidem in par-  
te Romani priscis temporib<sup>o</sup> cæteris superiores fuere,  
*M. autem Dux Moscovia Juvan Wasilowitz ini-*  
*què, imò barbarè se gesit, cum Anno CHRisti 1569.*  
*Legatos Regis Svecorum Johannis, ztij, Episcopum*  
*Aboensem M. Paulum Justen, & Tonnarem de Dis-*  
*sterby/ mandata Domini transgredi nolentes, indignè*  
*tractaverit, carceri mancipaverit & bonis omnibus spo-*  
*lliaverit. Cujus facinoris dignum sat supplicium luit;*  
*Vigilat enim justitiae oculus Sempiternus, ultricesq; legatoe*  
*rum dire sunt, ut loquitur Marcellius.*

**XXXVI.** Legati iii, quamdiu legatione fungun-  
tur

tur sicut & alij, qui Reipub. causa absunt, judiciorum  
aleam subire non coguntur. Sed domum revocandi  
jus habent. Hinc etiam, si dum absunt, domi conveni-  
antur, procuratorem mittere non tenentur. Sin ves-  
tò de eorundem utilitate agatur, abesse non intelligun-  
tur. Et IV. Legati pro repressalijs capi non possunt.

XXXVII. V. Legatis restituendi sunt sumptus, in  
legationem erogati. Quo nomine Hugo Grotius S. R.  
M. tis & Corona Sæcie, apud S. R. M. tem & Coronam  
Gallia, per multos annos legatus, maximam pecunia-  
rum vim recepit. Consultiss. Dn. Prof. M. Michaël,  
Wex. Disput. 10. Thes. 35. Quod si à latronibus spolia-  
tus sit, vel naufragio, aut alio casu, res suas amiserit,  
non debet legatus gravari, ut damnum, quod ita incur-  
rit, patiatur solus. Non enim alicuj debet esse damno-  
sum officium suum; maximè quando tempore man-  
dati itinera erant periculosa, & mandantibus qui pote-  
tant cogitare, ista contingere posse; Moditus §. Ple-  
biscitum quart. 138. n. 4. VI. Vacationem à munib[us] lega-  
ti, & in ipsa legatione aliquanto tempore post, obtinere solent.  
Hæc sunt præcipua legatorum privilegia, quibus maxia  
ma præmia, cum donis & honoribus in bene constitue-  
tis Rebus publicis accedere solent. Ut enim deserto-  
rum aut prævaricatorum scelera & perfidia poenitie  
cienda; (Non autem infelicitas quæ culpa caret; quó  
sevitiae Persas aliquando, Chartaginenses, Athenienses, Tur-  
cas &c prolapsos historiæ testantur;) Ita diligentia &  
industria, pro optimè & egregiè confectis legationibus  
præmijs prosequenda.

XXXVIII. Praemia legatorum Schonbornerus lib.  
3. Pol. c. 31, triplicia facit; Locum, lauitis & munera.  
Loci nomine ædes liberas & habitationem intelligit.

*Lautitia erant xenia legatis missa.* Plutarch. in Prob.  
Rom. à lauticie sive magnificentia præbitoris diæta.  
*Munera* verò dona de publico data, qualia annuli, tor-  
ques &c significant. Athenis Legati, à legatione re-  
versi, simulatq; rationes ad ærarium tulissent, coronâ  
donabantur.. Neq; verò superstitionibus tantum, sed &  
defunctis præmia & honores decernebantur.. Sic Ro-  
mani legatis in legatione mortuis statuas & columnas  
in publico erigebant, ut qui pro patriâ occubuerint, in  
perpetuum per gloriam vivere intelligerentur..

XXXIX. Nec desunt exempla eorum in nostro  
regno, qui propter molestias & labores in obeundis le-  
gationibus varijs honoribus mactati sunt. Sic Reves  
rendus & Praeclariss. M. PAULUS Justen, Episcopus quon-  
dam Aboënsis, propter legationis munus difficilimum,  
quod apud Moscovia Ducem Iwan Wasilovitz A. 1569.  
obivit, à piæ memorie Svecorum R. JOHANNE III. nos-  
bilitatus est.

XL. *Praelustris Iohannes Styffe senior S. R. Mtis Re-  
gniq; Sveciæ olim Consiliarius & senator, ob gravissi-  
mas legationes, quas iterum atq; iterum in Anglia &  
alibi maximâ cum laude obivit, Equestri aurati titulum ab  
Anglia Rege, ut & Baronatus à Serenissimo & potentissimo  
Rege GUSTAVO II. & Magno reportavit.*

XLI. *Illustrissimo & Excelsum HEROS, S. R. M. Regniq; Sveciæ, CANCELLARIUS magn. Dn, AXELIUS Drenstierha/*  
cum ob alia in Patriam merita, tum ob varias legatio-  
nes quas & ipse, non sine summis molestijs sustinuerat,  
& per alios in aeternum patriæ decus & emolumentum  
expediverat, A. 1645. comitivos honores sibi suisq; me-  
ruit. *Cujus Illustriss. Excel. unâ cum ceteris Regni Sveciæ Proceribus, D. T. O. M. quam diutissimè salvum & incolumenta  
conservet.*

XLII.

**XLII.** Finitus tandem legatio, I. Cum vel forte missi  
riatur, legatione nondum peracta, legatus. In quo tamen casu,  
si princeps legationis diem suum obierit, aliquem  
ex socijs novâ instructione & plenipotentiâ confirmari,  
& sic suscepit legationem continuare posse videtur,  
ut supra thesi 30. diximus. II. Vel Dominus ipse legatum re ad-  
huc infectâ, si revocaverit. Legationem autem injunctam,  
quam q̄ suscepit, sine justis causis deserere non licet,  
quod si quis faciat, poenâ afficietur Extraordinaria, Bes.  
de leg. c. 4. n. 15. III. Cum legatus perfectâ & consummatâ vel  
utrumq; expeditare, ob quam missus fuerat, acta Domino quam  
fidelissimè renunciaverit. Hic non absq; magnô judicio  
Schonbornerus Polit. l. 3. c. 30. ex cominæ monet; Ni-  
bil in apricum efferendum, quod animorum alienatio-  
nem vel trepidationem excitare possit. Verum Lega-  
tum, si tale quid metuendum, seorsim à principe vel  
Rege audiendum esse.

**XLII.** Finitâ legatione, taciturnitatem præstabit:  
Hec enim optimum & tutissimum rerum gerendarum vincu-  
lum. Valer. Max. l. 2. c. 1. Res magna non possunt sustine-  
ri ab eo, cui tacere grave est. Curt. l. 4. Atq; hæc de nobil-  
issima hæc materia ratione occupationum quæ distra-  
hunt, hæc vice dicta sufficiant.

DEUS exercituum S. R. M. cum Celsissima Matre Regina vidus, regniq;  
proceribus illustris, in sui nominis gloriam, Ecclesiam & Reipub. Svecianæ ea-  
molumentum & præsidium benigne protegat & conservet. Legationi  
quæsq; brevi ab Illustrissimo Comite DN. PETRO BORNÆ/ Regni  
Drotzeto magno &c, aliisq; Prælustribus Regni Svecianæ Conciliariis suscipie-  
andæ, ad aeternam pacem cum Polonia regno conciliandam, felicitatem &  
successum addat, ut tandem post eos bellorum tumulus, sub exoptatissimo  
S. R. M. tis imperio iusta patriæ linainâ, tutâ & quiete in omni pietate & bes-  
sitate vivamus.



Eruditione, pietate & morum integritate Prastantissimo  
DN. M. JOHANNI KETARMANNO  
Disputationis hujus Præfidi, amico suo.

**M**axima cura, viris, qui sit Respublica salva  
Principibus, leges, religio, ut vigeat,  
Pura: opus est varijs, breviter quæ Martis, & Artis  
Nomine signamus: tempora nostra docent.  
Vultq; Duces Bellum, Legati foedera pacis'  
Expedient. Quorum hic pingitur officium.  
JANE tuo calamo, sat KETARMANNE polito,  
Legatis gratum, non dubito, studium.

L. M.

Honoris & Amoris Ergo faciebat  
ÆSCHILLUS PETRAEUS D.

---

GUSTAVUS ANDREÆ ÆIMELEUS

Per Anagrammam.

Ad Disput: relatum.

TU ÆNEUS ARDUA E MUSÆ LEGIS.

I N sita nunc animo virtutum semina promu;

Promu & ubertim luxuriare facis

O GUSTAVE pie & Phœbi lectissime Miles,

Non fucati animi portio chara mes;

ÆNEUS E MUSÆ dum TU LEGIS ARDUA campo

Æneus in cathedra es, o minor hocce tibi.

Humaniss. & Politiss. Dr. Respondenti, Patriae

& Amico suo dilecto in felix omen scr.

Abrahamus Georgij Thauvonius.